



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Tertium

Thomas <von Aquin, Heiliger>

Romae, 1619

Vtrum abstinentia sit virtus specialis? 2

urn:nbn:de:hbz:466:1-38803

204 QVÆST. CXLVI. ART. II.
perantia, denominatur à defectu : & tamen constat in medio, in quantum est secundum rationem rectam.

Ad quartum dicendum, quod illa virtus prouenit ex abstinentia, prout non est secundum rationem rectam. Ratio enim recta facit abstinere sicut oportet, scilicet cum hilaritate mentis, & propter gloriam Dei, non propter gloriam suam.

A R T I C. II.

705 *Vtrum abstinentia sit specialis virtus?*

Ad secundum sic proceditur. Videtur, quod abstinentia non sit specialis virtus. Omnis enim virtus secundum seipsum est laudabilis. Sed abstinentia non est secundum se laudabilis. Dicit enim Gregorius in pastorali, quod virtus abstinentia non nisi ex aliis virtutibus commendatur. Ergo abstinentia non est specialis virtus.

¶ 2 Præterea, Augustinus dicit de fide ad Petrum, quod abstinentia sanctorum est à cibo, & potu; non quia aliqua creatura Dei sit mala, sed pro sola corporis castigatione. Hoc autem pertinet ad castitatem, ut ex ipso nomine apparet. Ergo abstinentia non est virtus specialis à castitate distincta.

¶ 3 Præterea, Sicut homo debet esse contentus moderato cibo, ita & moderata ueste: secundum illud ad Timotheum. Habentes alimena, & quibus regimur, his contenti sumus. In moderatione autem rationis non est aliqua specialis virtus. Ergo neque abstinentia quæ est moderativa alimentorum.

* li. i. in somn. Scis pionis in f. 2. ante me. lib. * q. 14. art. 3 & q. 136. a. 1 SED contra est, quod Macroponit abstinentiam speciale partem temperantiae.

R E S P O N D E O dicendum, quod sicut supra dictum est, virtus moralis conseruat bonum rationis contra inpetus passionum: & ideo vbi inuenitur specialis ratio, qua passio abstrahit à bono rationis, ibi necesse est esse specialem virtutem. Delectationes autem ciborum naturæ sunt abstrahere hominem à bono rationis, tum propter earum magnitudinem, tum euam

EIAM propter necessitatem ciborum, quibus homo indiget ad vitæ conseruationem, quam maximè homo desiderat. Et ideo abstinentia est specialis virtus.

Ad primum ergo dicendum, quod virtutes oportet esse connexas, ut suprà dictum est. Et ideo una virtus adiuuatur, & commendatur ex alia, sicut iustitia ex fortitudine. Et per hunc etiam modum virtus abstinentiae commendatur ex alijs virtutibus.

Ad secundum dicendum, quod per abstinentiam corpus castigatur non solum contra illecebras luxurias, sed etiam contra illecebras gulae: quia dum homo abstinet, magis redditur fortis ad impugnationes gulae vinceendas, quæ tanto fortiores sunt, quanto magis homo eis cedit. Et tamen non prohibetur per hoc abstinentiam esse specialem virtutem, quod ad castitatem valet: quia una virtus ad aliam iuvat.

Ad tertium dicendum, quod usus vestimentorum est introductus ab arte: usus autem ciborum à natura. Et ideo magis debet esse virtus specialis circa moderationem ciborum, quam circa moderationem vestimentorum.

QVÆST. CXLVII.

De Ieiunio, in octo articulos diuisa.

- D EINDE considerandum est de ieiunio.
- ¶ Et circa hoc queruntur octo.
 - ¶ Primo, vtrum ieiunium sit actus virtutis?
 - ¶ Secundo, cuius virtutis sit actus.
 - ¶ Tertio, vtrum cadat sub præcepto?
 - ¶ Quarto, vtrum aliqui excusentur ab obseruatione huius præcepti?
 - ¶ Quinto, de tempore ieiunij.
 - ¶ Sexto, vtrum semel comedere requiratur ad ieiunium?
 - ¶ Septimo, de hora comedionis ieiunantium.
 - ¶ Octavo, de cibis, à quibus debent abstinere.

A R.

I. 2. q. 65
ar. 1.